





石倉十二代詩選

明次集卷之七十

思玄集

大明

常熟桑合悅著  
後學曹學佺閱

感懷

匏巴愛鼓瑟伯牙解鳴琴  
師曠聰可塞史妘聲  
宜瘖齊人適寰宇耳愜臨淄音  
休哉大方士宅  
心冥古今

其二

東方有佳人靚粧不踰閩  
蹇脩孰知名矩步依



內則行思飛蝶幸坐受細蟲或豈如臨江花落  
水送春色

其三

梧桐片月墮嫋嫋涼風生日中轉炎燠霜雪疑  
暗零手搏初月光遙寄千里情天晴三五夜是  
妾寸心明

其四

織女望牽牛銀漢一何遙天緣許會合秋清正  
良宵張騫取星槎吳質伐桂橈安用人間鵲腥

羽編成橋

其五

仙都鼎湖峰特立千萬丈平原遠環侍高嶺爭  
揖讓結廬臨絕頂四海一騁望至人騎元氣遊  
戲青冥上

其六

孟秋涼氣至風物淒以清不眠看寥廓我屋將  
倚傾盤松盆牖下歲寒自光榮誰知天地上半  
寸皆青冥



其七

逝日不可追誰能駐光景春陽媚花草荏苒歲  
華冷玄鳳德未成颯下丹山頂路逢清泠泉徘徊  
照孤影

其八

東園有奇花容姿鮮灼灼雖是春風開亦是春  
風落甘霖被郊原蔓草輕蘭葯所以高岡松無  
言樹寥廓

遊仙

遙瞻太華山林樾蒙日月西巖穴浮雲突兀東  
嶺缺補輳庸神功山靈永契濶颯颯朔風勁四  
野木葉脫遊人動春興殘樹成點血日暮途或  
窮我車肯改轍深湫有神蛟服食太始雪何時  
爲吾駕飛上太清闕

其二

乾坤委吾形夙稟山澤姿登擬王屋顛泛必東  
阬潛吹噓膚寸雲爲霖注枯畦竭來遡崇澗嚙  
舟石離離幽事契衷曲櫛藻撫漣漪大鵬墮微



歷代詩選 明發時懷 三  
毳迎風薄天池毫竅稟靈氣翹越卑藩籬始信  
佺期志譔譔黃小知

其三

少年負竒氣仗劍行九州日月委青髮風霜粘  
紫裘湛湛清泠淵日暮思回舟幾宿山水窟夢  
寐鈞天遊路逢麗翁云是古許由相攜眺荒  
塚迷骨高於丘箕山迺蓬島潁水卽弱流凡胎  
杳難升路絕三千秋吾名在玉簡塵世那能留  
寄語玄真子迅速馳素虬

同丁秋官鳳儀夜坐

哦詩北斗下清夜殊未央長天挾孤影一雁東  
南翔我心如風露夏夜亦清涼况對秋月坐肌  
骨沁寒光

予以痼疾申呈當道都堂謝公不允令就  
醫藥視事未能卽歸和朱文公病中呈

諸友韻

衰病卧春雨踈懶甘閒居羣芳想搖落庭草青  
有餘久懷遺世志似與冠裳踈數日理輕裝自



捲汜勝書中丞未解縛對景增躊躇決策定長  
往袖毫賦遂初天機愁日淺俗絆隨時祛還家  
席門坐不用來軒車

久雨春寒殊甚杜門不出觸景興懷和文

公月夜述懷韻

陰雨壓春意坐怯衣裳單騷經舊香草想綠沅  
湘間雲深翠鳳杳天濶蒼虬寒軒輶幾時駕長  
往遊君山

感遇再用前韻

春秋各芬芳窗前蘭與菊平生絕榮願窮途不  
須哭縱步阱難防暝投藩易觸公論需久真誰  
畏彤管辱三窟詎云安一枝自堪足桃李爛盈  
門牛馬量以谷四海物滔滔何處芻一束浩歌  
歸去來誓作林下獨竒巧石爲屏琤琮泉漱玉  
至樂在桑榆林塘居可卜

和朱文公讀道書

塵世難縱步眷焉思十洲躡履登碣石濯纓臨  
弱流折芳遺所思玉樹無春秋太虛一回首歲



月空悠悠

其二

漱齒北斗下沆瀣何清涼仰望玉霄府紫炁彌  
穹蒼蓉城老仙伯貌古雙瞳方百年一瞬息遲  
我無何鄉

其三

佺期舊僚友示我還丹道緘書寄黃鵠侑以金  
光草瓊漿幾桃熟雲葉九芝老玉詒期不來唏  
髮丹霞枚

其四

崦嵫山萬仞日落風淒淒雲輶駕牽牛良夜同  
安期織女濯銀河顧盼生容姿相看不語步  
月與遐思

去郡有日感今懷古觸景興思和文公北

山紀行畱作郡中話柄

風雅徽音絕騷經何表表每思空同遊頗厭濁  
世小誰侍水仙班宓如姝窈窕謁帝默無言雲  
輶駕星鳥



其二

賈生經濟才政書匪華說鵬鷓同死生自遣藉  
莊列薄宦亦長沙喜見廟貌設治世獨憂遑迂  
踈踵遺轍

和朱文公齋居感興

心地湛日月嗜慾昏天機動靜未專定真性隨  
塵飛八駿日千里羈勒故難遑主人坐中堂僮  
僕生光輝蜿蜒八表外沒景何玄微瞬息或徇  
物誰共義軒歸

昔日題畫

彤庭沈沈月華滿珠簾暗帶紅霞捲春光常在  
繡幃中化機不屬天工管金壺謾瀉瓊瑤漿壺  
中一刻如年長舞腰裊裊輕貼地過雲音樂催  
高翔別院風光春正好銀燭高燒照晴昊警露  
非無閨苑禽聽歌自有天山鳥窗前琪樹搖玲  
瓏玉爐香燼落花風紉衣自習越溪事那知銀  
箭浮銅龍霄漢低迴天咫尺抱衾擁帚皆恩澤  
素娥薄相為潛趨女伴相逢不相識



題畫

京師車馬何紛紛  
眯目千里皆垢氛  
思玄居士偶羈束  
野鳥飛混樊籠羣  
張侯少作金閨彥  
胸次曾盪峨眉雲  
手攜此畫索題詠  
知人惡臭將蘭薰  
嗟余最愛專一壑  
良工代我心云云  
竒峰重疊照清泚  
古木慘淡籠斜暝  
數屢茅屋隱林表  
勝景盤錯橋平分  
此中正我開眼處  
陰符一卷香初焚  
云胡失脚落塵網  
拾致只有山殷勤  
昔日擬辭責四皓  
去年題詩頌五君  
夢魂飛上匡廬頂  
醉嗅五老皆竒芬  
拂衣歸去一彈指  
銘墓堪笑王將軍

春遊歌  
君不見大羅天上逢新年  
詞頭促辦詞林仙  
我濯文錦銀河邊  
星宿相射光燁然  
玉皇覽畢粲玉齒  
休沐偶誦逍遙篇  
於時青帝頒春去  
東望丰柄迴雲鞭  
相逢偶談下界勝  
二月三月異卉紛  
爭妍我思遊玩心  
頗動一念墮落東  
風前  
謫來塵世幾十載  
晨烏夕兔忙推遷  
馳驅邊徼強



求活徒倚寥廓恒思愆得閒又起尋芳興萬紫  
 千紅俱業綠看花有作渾漫興舊格不許人間  
 傳描春欲貢天工戕醉呼丹山彩鳳銜上天侑  
 以鮫人綃織離騷篇鮫人綃織離騷篇經緯赤  
 城霞氣蛾眉月色蒼梧煙

逢迎

布帛可衣粟可餐逢迎不救饒與寒奴顏婢膝  
 殊齷齪何事能開嚴毅目跳圈舞杖擾且馴是  
 人弄徂徂弄人君不見祖思恭謹遭殺戮夷狄

猶知拜為辱

長命草

龍城山中長命草采采黃花顏色好懸崖掛壁  
 常發生朝暮搬移不枯槁歲寒獨見柏與松非  
 時欲植難為功爭如此草出凡質淨洗塵土根  
 虛空世間物變無不有杵地成羊樹生酒

白牡丹

太常蒙卿邀予與字學士瞿憲副王侍御同賞於神樂觀

一春無計遣繁華倚香傍色餐流霞妖桃穠李  
 俱小噐拭目晚看花大家素質盈盈美無度何



年謫下瑤臺路精神飛入銀河篇體態都歸洛  
 神賦神樂觀王容臺卿空花壓眼真無情吾儕  
 放浪為無事東風斗酒消春晴曾聞二本歸天  
 上幾度重瞳轉相向內圍點綴黃金屋禁苑安  
 排紫綃帳竭來此種留人間託根洞府非塵寰  
 隨時窮達花不識天遊何必乘青鸞

重續麗人行

洛陽三月春無主桃花落盡清明雨名園接葉  
 暗棲煙可教鶯燕無言語陌頭車騎何紛紛顧

盼似空遊女羣柔情薄射伊水月倦思怕領龍  
 山雲就中八姨取年少上馬臨風殊窈窕白日  
 淒迷天暗垂萬姓遊魂隨一笑當時宰相名  
 忠幾回並轡朝真龍綃裙六幅行委地峽水拖  
 入華清宮杜陵老翁慣饒餓半生只對山妻卧  
 酸眼驚看絕世姿錯認九天玄女墮此翁向後  
 攢百憂潼關戰骨堆心頭始知昔日眼中見寶  
 釵銀匐皆干矛君不見巍巍文武開周國削義  
 降仁褒姒色再觀青史發長嘆丹臉雙刀古無敵



題梧竹竒石圖

琴瑟未斷先具形  
簫管未截終完聲  
天將碧玉爲寸筵  
拊擊翠石石亦鳴  
分明一部真韶樂  
彩鳳能招下寥廓  
古音不復將何如  
請君看此韶樂圖

李節婦

遊絲墮地風不起  
燈燼霏霏落江水  
良人一去不可招  
形恁爲人心作鬼  
黃葉擁籬秋滿門  
孤兒索果啼黃昏  
三喪欲舉况赤手  
渤海捧土成

高墳白日遲遲常不曉  
浮雲飛過長空杳  
夢魂泛盡水中萍  
血淚滴枯庭下草

招賢里

公卿薦士久不作  
此地舊有招賢名  
誰知燕臺一杯土  
可直全齊七十城  
魏闕遙遙楚天碧  
滿眼白雲江水急  
小山叢桂不聞歌  
秋空月冷黃

金泣

題趙子昂馬

天池定水生漣漪  
臨流濯出神龍姿  
圍官欲騎



心辟易夾道行來風倒吹竒骨稜稜堅似鐵王  
孫畫之心欲折燕山有路可長嘶何時得染溫  
禹血

劣馬行

昔年老杜歌偪側只有兩言堪嘆息日騎官馬  
送還官道路難行澁如棘我脩州志豪官愛坊  
長每日輪一疋若閒坐卧牽在前緊要欲行何  
處覓東家有馬性惡省更足拏空向人立家僮  
拚命據其背振地一跌加兩踢此後談馬便色

變路逢童黏心辟易一稜秦說窮問舌在李全戰  
敗疑手失我官正居大夫後肩輿無人足無力  
幾回歷覽地輿圖茅茨拘閤住不得願同禦寇  
駕長風浩浩一身周八極猶賤此長聖士心

宿山寺

夜宿山中寺脩然物外情倚松僧意靜浮竹佛  
香清昏鼠窺燈出饒鳥近鉢鳴小池生泡沫似  
勸學無生水滌荷開中留善非不寧何變雨

送春



年換朱顏去春拋綠酒歸孤身類蓬轉老眼看  
花飛愁裏成新詠閒中簡舊非丁寧初夏雨好  
長故山薇

客子尋幽興隨雲入亂山

清秋吟不極盡日影  
俱閒靈籟追長嘯殘霞映醉顏脫身塵土外心  
靜是真還

春雪再和前韻

朝來飛雪正纖纖春日春寒覺更嚴梨已吐花

重傳粉梅纔結子早和鹽月暹餘彩明穿戶風  
捲踈團暗墮簷恐凍閒看庭外竹紛紛玉節瑩  
梢尖

七夕飲石田母姨夫宅

析木津邊建兩旗華堂開宴趁佳期人間親舊  
追歡夕天上婚姻適意時乞巧不如常守拙相  
逢寂苦即分離銀河清淺如前度靈鵲回來報  
我知

落花



花好能禁幾日開東皇應乏補春才紛紛惟我  
耽詩句點點催人進酒盃殘片有情棲綠葉香  
魂無倚泊蒼苔十分顏色歸塵土處處名園是  
馬嵬

贈蕭時清

十里螺湖如掌平開門正挹滄浪清偶逢道士  
贈丹訣閒課山童杪酒經晝長燕子飛入戶春  
盡樹陰鋪滿庭近來聞說有竒事賣藥修琴曾  
到城

碧溪

五兩簑衣百尺竿溪流十里足盤桓卧分芳草  
爲衾枕坐愛清流照肺肝花落無聲雲影動鳥  
飛不度鏡光寒平隄多種芙蓉樹惟有秋容耐  
晚看

西閭閒步

雙足能行勝小車西閭城裏盡吾家隣僧共約  
嘗新茗園叟時邀看好花文變何須論虎豹書  
狂常恐化龍蛇晚來占斷長天景閒倚西風送



歷代詩選 明 孫 氏 性

古

二百廿

落霞

甲 禰正平

經過此地倍堪傷憶子青年餉虎狼四海難容  
身一葉三江都化淚千行能言賈禍真鸚鵡覽  
德冥飛愧鳳凰今古憐才惟造化芳洲畱寫舊  
文章

宿茶陵五峰菴

攀蘿躡磴路盤紆出澗流泉百折餘地獻秣田  
克佛供天畱松徑作僧居數聲清磬紅塵隔一

辦名香黑業除喜共山雲分半榻通宵魂夢寄  
空虛

予既調柳憲長林君待用以書來云柳州

山林子厚爲之出色今付公矣作詩答  
之

三載星沙作宦遊每逢山鳥話綢繆鷓鴣知我  
行不得杜宇勸人歸去休泛月詩成湘水夜看  
雲興八大瀉秋安心此日無言語肯與宗元競

柳州

歷代詩選

月 集 卷 七 十

次集卷七十

七

八



歸計已成述懷

年幾五十髮成絲  
物理人情覺悟遲  
處事求名先得謗  
謀身弄巧便成癡  
豪吟氣象清平世  
沈醉情懷太古時  
長笑一聲歸舊隱  
空山魍魎最相知

詠老人燈

鶴髮垂肩儼壽星  
兒童扶立耀門庭  
存如掣電何須計  
生已垂光不足驚  
虛火上衝心卽爍  
酸風斜拂眼還明  
繁華閱盡俱螢爝  
自許焚身入

化城

其二

假合分明兩鬢秋  
鮑郎衫袖帶膏油  
衰顏自分隨灰滅  
急景何妨秉燭遊  
得火常時能煖腹  
避嫌終夜只搖頭  
却疑南極星辰現  
一點光芒落海陬

登樓

西風吹帽雪籠頭  
今古無情獨倚樓  
日月悠悠長劍老  
乾坤納納此身浮  
江南山水聞孤嘯  
塞



北煙塵結四愁望斷北辰心萬里寒雲斜日楚  
天秋

古別離擬孟東野

傷心別君淚垂垂滴中庭一庭芭蕉葉天晴聞

雨聲

小遊仙詩

仙童驚報筆生花萬丈長虹纈彩霞獨進詞頭  
三百卷承恩常醉玉皇家

其二

玉女班中忽吐光體生微妙自然香紫蘭細擷  
歸何處七寶欄杆白玉房

題鴿鵒

性拙全為衆鳥嗤玲瓏巧舌許誰知小園昨夜  
春歸去落盡殘紅怨子規

題岩下花呈長沙守劉鳴遠

巖下花開不見天孤根絆石水相連漁郎繫纜  
柔條上惱殺香紅落釣船

印溪春行嗣響老杜



印溪橋邊一樹花溪南大路抱村斜日日行人  
自來往昨宵殘片委泥沙

羅玘

字景鳴南城人有圭峰集按桑民憚意不可一世嘗自言曰我當今第一才子或問其次曰南城羅玘予故以公詩次之

送何邦彥僉憲江西

已成新相知忽作新別離始知別離蚤更覺相  
知遲程孔斲傾蓋不在多言辭高枝有鳴鳥如  
進我酒卮酒盡子當去依稀各天涯豫章古水  
國其下蟠妖螭請出匣中劍一一剗剗之

漁陽邊防圖

白日麾大旗禪王來接戰長弓發健臂射中禪  
王面歸營夜張燈照見滅胡箭天明上馬去勇  
氣逼飛電虜其名王歸拜獻明光殿

送周主簿任南城

連山抱如環過水縈城脚軍州自古置小邑舊  
附郭蒸黎戀門閑不厭土地薄神泉麤可釀出  
境配靈藥門無催租吏家有斲地鏤市女面無  
脂野老巾不着囹圄寂生蓬譙門可羅雀謬當



封藩圖一變百病作黑夜騎屋山白畫面相縛  
竊虞鑽泥鮎化作掉尾鯉觀君饒道氣秋漢騰  
一鶚老夫頻搔首仰面望寥廓

送王太守之福州

建溪難杯杓梨嶺可捫天行路無多日居官動  
幾年心忘書郡寂身要得民便不用磨崖石口  
碑容易鐫

送張尚書歸南海

御史大夫舊尚書戶部新不如歸去好猶是向

來貧壁有留詩句路無逢故人潮聲纔入耳始  
覺嶺南身

送蕭舉人歸永州壽親

不瞻鬢白髮已是幾青春曾作還家夢終非戲  
綵身南山天共老東海古無津此意誰應識瀟  
湘行路人

送曹進士知貴池

到江真幾里為縣可三年心自難忘蜀官還只  
在燕鶯花縈別酒楊柳夾行船向日登瀛客相



歷代詩選  
期禁籟邊

送徐德章中舍捧詔金陵便省宜興

上方消息杳傳語落人間南國持旌去東吳衣  
錦還入門便遶膝登馬強看山可過先公隧荆  
溪第幾灣

送彭世傑之蕪州經歷

百粵通丹徼孤城對海門珠光夜炯炯蜃氣晝  
昏昏但得參軍壯能令刺史尊明朝萬里別吾  
意欲忘言

菊莊

爲陶處士作

陶令公然醉生涯半草萊門從前日掩菊待幾  
時開山近還堪竹亭空只欠梅中冷有泉水欲  
引過江來

長春軒爲清江劉先生題

竹密年年筍樹多日日花天應憐老景春且任  
貧家鄒氏律吹谷建溪鼓喊茶終湏窺造化不  
似此生涯

遊方山與石樓志別



相逢盡道乞還山公乞還山便得還浮世風煙  
棋罷局百年光景手循環穿雲躡磴疑天上到  
寺對僧如夢間明日河橋盃酒後月明千里隔  
陽關

送趙縣丞之招遠

海上羣山魚立頭待君單騎入登州颶風夜半  
驚批屋蝨氣朝來看吐樓諺素慢從羣吏聒耳  
真聾有府公留寅賓出日今何處好與乘閒款  
款遊

送周工部冊封充府

百尺樓船陰水容夾河爭認是東封文章蝌蚪  
生金薤日月光華射袞龍孔道晝臨宣父宅使  
星宵逼丈人峰九重昨露真消息欲買龜蒙作  
附庸

黃卷潛心

不爲勞勞逐蠹魚平生卽此當菑畬兒童莫笑  
頭顱白恐是研山行秘書

赤壁圖



相逢盡道乞還山公乞還山便得還浮世風煙  
棋罷局百年光景手循環穿雲躡磴疑天上到  
寺對僧如夢間明日河橋盃酒後月明千里隔  
陽關

送趙縣丞之招遠

海上羣山魚立頭待君單騎入登州颶風夜半  
驚批屋蝨氣朝來看吐樓諺素慢從羣吏聒耳  
真聾有府公留寅賓出日今何處好與乘閒款  
款遊

送周工部冊封交府

百尺樓船陰水容夾河爭認是東封文章蝌蚪  
生金薤日月光華射袞龍孔道晝臨宣父宅使  
星宵逼丈人峰九重昨露真消息欲買龜蒙作  
附庸

黃卷潛心

不爲勞勞逐蠹魚平生卽此當蓄畬兒童莫笑  
頭顱白恐是研山行秘書

赤壁圖



歷代詩選  
明羅景明  
如此良宵能有幾有船便合載坡公當時若只  
載歌舞安得于今在畫中

石倉十二代詩選

明次集卷七十一

樊山摘稿

後學曹學佺閱

樊阜

字時登號古厓縉雲縣人  
天順間舉人延平訓導

田間雜咏八首

嘉樹蔭衡門鳴鳩徧村墅薄言農務興力作無  
男女晨爨煙未起驅牛理田圃茲時若宴嬉爭  
得好禾黍清曉聞雨過春流漲溪渚小兒學把  
犁小女亦能杵生理勿嫌微浮榮非我取



歷代詩選  
明羅景鳴  
如此良宵能有幾有船便合載坡公當時若只  
載歌舞安得于今在畫中

石倉十二代詩選

明次集卷七十一

樊山摘稿

後學曹學佺閱

樊阜

字時發號古厓縉雲縣人天順間舉人延平訓導

田間雜咏八首

嘉樹蔭衡門鳴鳩徧村墅薄言農務興力作無  
男女晨爨煙未起驅牛理田圃茲時若宴嬉爭  
得好禾黍清曉聞雨過春流漲溪渚小兒學把  
犁小女亦能杵生理勿嫌微浮榮非我取



其二

素心無外欲衣食忘豐腴所願官府賢優游樂  
 畋漁妻兒永相守卒歲無索居繞屋種禾黍當  
 門樹桑榆涼風入我牖明月照我廬酒熟農事  
 畢隣翁迭招呼兀然坐簷下盡醉倒一壺

其三

少長郊墟中縣官名未識長時帶好客不見惡  
 顏色高隴麥穗齊雉鳴自葺翼野田耕耨餘工  
 力暫時息日夕會隣家黃牛卧籬側酒酣勉諸

其四

孫耕作當努力微雨過前村鳥鳴催蓐食  
 烏相蔭我牆白茅覆我屋荷篠朝出耘依依暮  
 歸宿少婦勤織縫諸孫解樵牧秋風禾黍收寒  
 日照原陸鳥雀啾啾鳴園籬多草木官租及早  
 償莫待里胥督

其五

山村頗幽僻甘向田間老隣家隔短牆出入同  
 一道桑柘團午陰鶩雛牝雞抱夕陽雨外明溪



上山色好夫婦話綢繆農工非草草秧長及時  
移明朝飯須早

其六

今歲頗少豐渾家總歡樂丁男備鎌刀曉起出  
城郭前村禾黍黃歸來事收穫田籬落荳花喞  
喞鳴鳥雀白馬誰家兒鮮衣曜河洛揚揚意氣  
驕一箭雙鴻落我視如浮雲飛颺自輕薄

其七

新水漲荒陂芸芸稻盈畝東家及西隣世世結  
親友夏至熟黃瓜秋來釀白酒新婦笑嘻嘻小  
兒扶壁走門口沙溪清垂垂幾株柳醉卧夢羲  
皇涼風入虛牖不知市井兒蠅利較升斗近說  
明府清征徭曾減否

其八

棗花落靡靡一犬護柴關節序屆芒種何人得  
幽閒蛙鳴池水滿細草生階間刈麥欲終畝風  
吹雨過山大兒早未飯歎息農事艱豪貴本天  
命悠悠不可攀不聞無鹽女醜黑非美顏



寄李資道

素履屏外欲栖栖向丘園泛覽古載籍試參元  
化根旣迥齒牙滑得失俱忘言好雨溪上至高  
槐禽語喧茲時暢神慮山光滿前軒

感秋次督學任僉憲韻

西風落高樹撼撼鳴深秋人事多錯忤時光催  
白頭美人逸難卽江漢自悠悠浮雲蔽皎日誰  
復念滄洲酒酣心壯在激烈歌吳鉤

挽趙母薛夫人

松柏生崇岡不羨桃李姿雪霜恣饕虐柯葉弗  
少萎嗟嗟趙貞母窈窕從母儀結褵相君子淑  
慎三族馳茗茗忍罹毒中道遭嶮巖君子嗇于  
數二孤聲唧唧寒燈倚機杼隻影空房帷簧言  
競難惑矢心終不移神祇昭上下我心應鑒知  
孤年日以長母髮日以衰一緘過青鳥促宴趨  
西池塵飛鏡光暗月落烏聲悲死生亦恒理名  
節世所規豸冠柱下史文行誇一夔瀼瀼襲湛  
露丘木含華滋爲歌柏舟篇清風起漣漪



灣河舟中呈鄭廷韶吳景端

朝發燕山陽暮宿灣河側  
高樹蔚繁陰浮雲淡無色  
睠彼西日馳憂心恒惻惻  
賴我同心人相期崇令德

山中作

夕景延澹陰微曛射林屋  
無營見道真塵紛悟蕉鹿  
此意幾人知沈吟俯脩竹  
西風吹雨收竹屋雲陰散  
酒醒心亦清忘言玩爰豸  
老鶴劃然鳴月上青山半

高齋臨曲沼雲澹微雨餘  
悟靜愜冲素泚觀莊老書  
微言苦未解日暮將何如

煙雨竹園

九疑蠹脊濕翠迷浦淑黯黯黃陵西  
霏英沆漭闢纖裊咽澀鷓鴣涼月低  
石壇幕歷苔痕紫冷沁羽幢吹不起  
藥窗瓊館隔離宮鸞尾參差醮江水  
千年舊恨餘斑斑幽叢珮玉寒闌珊  
膩粉粘枯亂紛馥南巡帝子何時還  
瑤瑟聲沈天欲曙女郎蹋歌過江去  
扁舟杳渺弔靈均脉脉流



漸無覓處

題李在所寫山水圖

龍眠孫子藝精巧胸次冰渟照秋昊尺縑寫出  
 溪山圖寫景無殊真景好高閣憑空寒翠霏松  
 陰石磴苔花微顛厓走瀑響晴雨老樹欲作蛟  
 龍飛前溪茅屋人聲靜石步籬邊繫漁艇白鷗  
 眠穩魚不驚斜日沙汀落雲影雲達有客蘭薰  
 襟酷好此圖如好金泮署春風暖吹酒題詩謝  
 客還長吟

五馬行春卷為延平太守子儀賦

春風駘蕩春日晴煌煌五馬朝出城羅衣逗暖  
 濕花氣錦帳泥乾金鐙鳴五馬度阡陌籬下雞  
 豚春拍拍五馬度郊圻村邊桑柘春熙熙野老  
 遙望五馬拜官租已了無私債野婦遙望五馬  
 迎無吏登我門夜犬眠不驚但願名公壽時乘  
 五馬看花柳但願名公開時乘五馬看溪山

西樓怨為孔宗魯悼二作

鶯啼燕語春漫漫落花飛絮吹作團雨歇西樓



晚晴薄絃絲調短催長歎玉鏡臺前金剪閑翠  
納帳軟留餘寒半壁銀燈墮煤小回文錦斷脂  
香乾鮎窗月白光如洗雙泪如鉛洒鬆几梧桐  
音冷么鳳鳴屏山暗結愁雲紫湘渚飛霜隕蘭  
菑些斷巫陽招不起瑤池青鳥幾時迴幽怨鳴  
嗚咽江水

題周文靜山水圖

昔聞摩詰王右丞筆底江山誇藝精三山近出  
周文靖當代畫史誰爭名古栝潘君老文伯江

山秀氣流胸臆文靖爲作幽居圖常時置向窗  
間壁層巒疊嶂飛白雲溪口橫橋沙路分茅屋  
低低槿籬短竹陰彷彿雞聲聞莎草洲空繫漁  
艇夕陽半落山迴影蹇驢一老尋詩還青旆搖  
煙墟市靜高林遠墅昏濛濛三簇樓臺仙子宮  
仙都雅致世間少直與武夷風景同噫嘻此景  
誰可得我欲移家住山側青衫淨拂雙鬢塵翠  
竹蒼松照顏色潘君笑指山之幽舊隱久拋今  
白頭解官歸去伴猿鶴歲晚與我當綢繆



題山水圖爲劉廷信都憲作

我家本在山中住讀書慣識山中趣偶落名塗  
塵眼昏見山便欲還山去南陽先生官態無半  
醉示我雲山圖持向簷前再三看青山突兀雲  
模糊百尺飛泉落松頂顛厓倒躡晴煙影神仙  
樓閣牽翠霞薇帳圍香晝長靜人家三兩溪南  
村桃李成行門對門石逕斑斑過新雨花落點  
破莓苔痕鷗鷺飛迴映沙島夕陽網曬漁舟小  
不是茗川與輞川仙都山下川原杳先生指我

山之西茅屋數間依竹低茶竈藤牀舊栖隱騷  
人墨客多留題看圖繞了眼初醒人間有此真  
佳景由來泉石絕纖塵當與先生分管領先生  
大笑清風生听憤狎狂雙鬢星題詩卷圖謝鴻  
鵠浮雲散盡長空青

正統己巳年麗寇至縉雲大肆標掠延殺

無辜鄉氓趙氏女自經死鍾氏婦墮南

岩宛予特賦其事

山夷蟻集煙原荒紅綃抹額戈鋌光雄夫魄褫



魚在湯誰云女質柔弗剛格菴之孫窈窕娘雪  
 膚雲鬢嬌春陽羅襦濕淚收殘粧菱花棄匣辭  
 蘭房腥風颯颯沾羣芳痠痺老父如蠶僵天高  
 無翼心遑遑蟻螿繫帛懸空梁紅飛玉碎春茫  
 茫貞心一片明秋霜偷生忍辱德弗滅何如一  
 死名尤彰

右趙氏女

少微黯淡妖氛橫長蛇封豕生荒荆羣動纏臊  
 土花赤比隣襁負馳奔征鍾家少婦離房戶黃  
 口呱呱尚含乳姑章夫婿曉星沈嗚咽吞聲泪  
 知雨雲邊鳥道南岩陰劍鋒欲起桑問心妾身  
 可粉骨可碎妾心百鍊真剛金綠髮紅顏墮空  
 碧血腥着樹浮寒色弗容寶女獨留芳猿鶴悲  
 鳴天亦黑吁嗟冠屨稱男兒堂堂大節翻手隳  
 愚婦猶能保貞素讀聖賢書奚以為

右鍾氏婦

秋胡婦

東風駘蕩花媚嬌鴉鬟膩滑飛翠翹露沁金蓮  
 一彎小纖葱緩撚柔柔條蘭閨護暖蠶苗密細  
 葉如鈿竹筐濕羅襦歛霍雕鞍光薄情正在桑



陰立黃金出袖妾心驚妾心瑩比冰雪清彈箏  
巧讓羅敷女田蠶婉語羞無情葉漸盈筐返庭  
砌阿姑喜溢雙眉際颺言錦繡歸故閭整頓姿  
容見夫婿河水淵云百丈深冰肌矢向龍宮沈  
匪曰忘姑隕非命絲絃絕急訛微音精英叱咤  
沙頭鬼烈風迅激愁雲起凡人生女須嫁人莫  
嫁秋胡薄情人

路傍草

路傍草能得青青幾時好春風披拂隨時生一  
夜秋霜盡枯槁貧家養女方及笄結束嫁作征  
人妻辛苦等閑容易老生世如同路傍草

禽言六首

姑惡姑惡姑不惡田荒姑嗔煮粥薄我怨田荒  
不怨姑今年勸夫力東作姑惡姑惡姑不惡  
不如歸去誰肯歸飽食廩米衣錦衣異鄉雖好  
非桑梓慈母倚門白髮稀不如歸去誰肯歸  
脫却布袴休脫袴力作任從泥淖污去年徵租  
遺拷癢露見恐教兒女怖脫却布袴休脫袴



提葫蘆休提壺頰沾囊底空青蚨年荒茅屋炊  
煙斷明府上來須禁沾提葫蘆休提壺

婆餅焦餅不焦年豐麥賤充徵苗再燒好餅與  
婆吃妾吃焦餅從腹枵婆餅焦婆不焦

行不上也行得上羊腸路險堪掉鞅時人心險  
勝羊腸仆馬覆車一反掌行不上也行得上

平田耕煙

莎草翻煙雨霖霖一犁耕破湖田綠聲聲布穀  
隔林啼鶩婦厨中炊黍熟秋收但得了官租卒

歲辛勤無歎吁

澄潭釣月

寒潭皺碧流潦縮霜娥飛落波心浴蘭橈中夜  
繫空明長線牽搖一團玉小魚跳躍大魚潛桂  
花香冷莎纖纖

玉洞仙蹤

青林杳靄山岩嶢亂石齒齒堆瓊瑤丹竈苔深  
仙府舊桃花流水生危橋何時獨跨一鶴小飛  
入蒼煙窺芝草



密嶺樵唱

高杉亂篠霏晴煙鳥道盤迴出半天非徵非商  
曲聲杳看棋未遇柯山仙誰羨紅裘侑觴飲嬌  
歌解博纏頭錦

豹闕晴巒

春聲振谷蜀鳥啼苦竹叢深雲影低芙蓉簇簇  
溪西听小雨簾纖寒翠迷山人拄笏樓頭看天  
際聯牽青不斷

仙岩梵剎

青林路小苔花濕紺宇玲瓏片雲隔仙人跨鶴  
去不來岩階殘碑篆痕碧老僧入定空夕陽花  
落溪西春雨香

窪樽篆跡

窪樽落落岡頭石銘篆春深蘚痕碧陽水去遠  
猿鶴愁載酒何人弔陳跡幽禽不語岩花香今  
古悠悠空夕陽

鈞石苔痕

老樹陰陰陰寒淥石磯苔濕香露沃毛翁古篆







靈峰嶺道中

嶺路青林杪盤廻出亂雲寺樓當塢見野碓隔  
溪聞屐潤苔花積衣香藥草熏崖陰仙洞在遙  
見鹿成羣

遊靈峰寺

步入靈峰寺嵐霏翠濕衣野塘蒲葉短石磴蘚  
花微潭靜龍長卧山寒鶴未歸老僧茶話久高  
閣轉斜暉

登觀音閣

春雲籠碧樹層層危磴苔交一再登澗水入溪  
喧似瀑松根纏石老如藤浮生容易休爲客往  
事淒涼莫問僧幾欲下山還不下塵紛明日又  
填膺

再和前韻

維摩高閣起層層駐馬空門試一登雙嶂濕雲  
寒閣雨半岩枯樹倒懸藤鶴行松徑迎來客猿  
坐蒲團伴病僧浮世茫茫如夢幻寧須弔古淚  
沾膺



過正等寺訪圭上人

山影橫溪夕照微  
 數聲清磬隔溪西  
 石門晴雪落松響  
 沙島寒雲壓竹低  
 結社喜逢今惠遠  
 留衣猶想昔昌黎  
 焚香已了三生話  
 猿鳥無情只謾啼

雨晴遊洞宮山坐間復雨

神仙臺觀翳嵐霏  
 金鼎丹成草木輝  
 潭靜毒龍依石卧  
 山寒孤鶴伴雲飛  
 半簾暝色松杉靜  
 一筍春香筍蕨肥  
 俗事累人催白髮  
 來遊此地澹

忘歸

醉中到白厓而歸

往事無憑一夢空  
 悠悠岐路任西東  
 菊花向晚應嫌雨  
 梧葉經秋不耐風  
 自笑長貧仍作客  
 誰憐多病欲成翁  
 青山斷處孤城在  
 一片砧聲夕照中

城上

獨上高城力未衰  
 西風吹老桂花枝  
 山迴薄暝牛歸後  
 江變新寒雁過時  
 砧杵幾家聲斷續  
 帆



歷代詩選 明 樊 氏 補 補  
五  
檣兩岬影參差英雄自古知多少老得身閒計亦奇

早行

王事匆匆每計程疎鐘未動促前征霜摧荳葉  
蛩聲切露滴松根鶴夢驚極目關河悲遠道側  
身天地歎浮生微官不似歸耕好却向何人說  
此情

上虞逆旅見舊題感懷

十年爲客任東西又御籃輿過竹溪雨歇野田

雙鷺下月殘村店一雞啼解囊沽酒酬新債卽  
景成詩續舊題記得西堂尋短夢池塘春草綠  
初齊

初夏幽居

茅廬低小種桑圍妻喜蠶收欲上機雀乳空簷  
花點點鶯啼深巷柳依依交情自笑緣貧減生  
計誰憐向老微細雨池塘新水滑菱荷初發未  
堪衣

遊西村



秋葉浮青野水渾農人籬落散雞豚寒煙淡抹  
 梨花場夕照微明柘葉村浮世茫茫何日定故  
 交落落幾人存近時一懶寧堪笑欲學龐公隱  
 鹿門

數日不出門偶賦

自把梅花比瘦容愁城須仗酒兵攻一灘細雨  
 空漁艇半樹殘陽又梵鐘多病有妻供餽餉長  
 貧無客肯過從石闌倚徧詩初就溪上寒山晚  
 翠濃

雨中示子

東隣離別恨依依我欲甘貧靜掩扉風送泉聲  
 清透枕雲蒸嵐翠冷侵衣一春吟對庭花好幾  
 日飢食野蕨肥却笑虛名成底事不如倦鳥亦  
 知歸

久雨

高竹鳴鳩未放晴小牀衾冷夢難成厨煙着樹  
 添嵐翠野水歸塘亂瀑聲吟對落花傷俗態醉  
 看飢雀歎浮生山人自是無塵事深閉柴門懶



入城

舟中作

青山淡淡夕陽時  
狂客扁舟只載詩  
細雨一汀菰葉老  
西風兩岫柳條衰  
雁橫秋影過荒戍  
鴉帶寒聲落古祠  
但說蓴鱸滋味好  
季鷹心事幾人知

秋日懷東湖

枯荷殘蓼滿秋池  
長日思歸未有期  
一笛喚愁霜落後  
雙砧敲夢月明時  
老惟防病勤收藥  
貧

欲謀生懶作詩  
莫怪羈人頭易白  
他鄉歲晚倍堪悲

晨起偶題

空山靜夜不分更  
睡覺虛窗日影明  
應爲不才忘仕志  
却緣多病見交情  
白雲自放生前懶  
青史誰留死後名  
食取充飢聞往哲  
呼兒挑菜煮新羹

寒食臨川道中

故交屈指幾人存  
雙袖龍鍾濕淚痕  
桑葉暝煙



橋外路杏花春雨寺前村  
漁舟待渡橫空渚酒  
旆招酤出短垣日暮隴頭堪歎息  
啼鴉飛下乞餘蟠

春日偶成

硯池香沁墨雲乾  
酒醒無情懶着冠  
燕子歸遲春欲盡  
落花吹雨小樓寒

寒夜

破屋難禁深夜雨  
布衾寒濕半牀雲  
愁來自起推窗看  
人比梅花瘦幾分

紅梅夾竹圖

羅浮仙子宴瑤池  
香臉生春酒暈微  
欲弔湘靈無處覓  
青鸞騎向月中歸

小景爲陳時律題

山翠濛濛曙欲分  
雞聲彷彿隔溪聞  
卧龍已去爲霖雨  
林屋空閑半榻雲

下第歸後作

牢落江湖幾度春  
布衣還是舊時貧  
晚涼懶過溪頭路  
只恐沙鷗解笑人



歷代詩選 明禁邱捕 卷五  
過村家

細莎村路繞山斜  
澗水西頭一兩家  
桑柘葉乾鳩雨歇  
茅簷索索響縑車

秋夜懷錢舜夫

風雨西窗蟋蟀秋  
懷人無寐轉添愁  
遙知今夜孤吟處  
半壁青燈照白頭

登觀音閣

春深携客扣松關  
今古興懷俛仰間  
花落花開俱是幻  
老僧長對白雲閒

玉南湖村晚睡

村南村北總西風  
柏葉先霜淺着紅  
野鳥飛邊堪入畫  
數家籬落夕陽中

過名山坂

槿籬斷處路微分  
茅屋砧聲隔岸聞  
暝色催人詩欲就  
一聲沙鳥半溪雲

過河西務

遠樹蒼茫夕照低  
短篷酤酒泊河西  
王孫歸去春無意  
莎草含煙綠未齊



題畫

嘉樹團陰石逕分  
數聲啼鳥綠陰聞  
橋西有客  
耽詩癖買徧青山  
種白雲

題東坡墨竹

赤壁歸來燕寢香  
夢騎玄鶴過三湘  
玉簫喚醒  
月初墮雲影滿  
簾秋氣涼

春閨怨

花落深閨午漏遲  
箜篌彈罷欲沾衣  
東風綠徧  
江南草底事王孫  
尚未歸

樊昌

字永盛  
號友菊

送別次韻

匹馬對尊酒送君歸  
潁川暮雲深戀樹  
春草遠  
連天故國幾千里  
他鄉一兩年何時復  
相見去  
住各潛然

菊莊呈李亞卿

愛此村莊好花開  
人正歸一籬含曉露  
三徑眩  
秋暉異品題  
凡卉幽香襲錦衣  
看來心更逸  
還憶侍彤闈



題畫中小景

扶桑日出光瞳矇千門萬戶開  
春風祥雲帶雨從龍去  
朝朝暮暮飛天東瀛洲弱水知何處  
高人只在蓬山住  
山外遊人歸未歸  
江上扁舟自來去

次正等寺壁間韻

沙路盤旋溪水清  
薜蘿如幄曉煙平  
簷前花落一兩點  
竹外鳥啼三四聲  
香雨霏微蒼樹濕  
春風淡蕩白雲生  
我來俯仰成今古  
獨有青山不

世情

送陶主事崇岳出使西蜀

相送河橋酒一觴  
獨將琴劍對行裝  
東過闔闔家山遠  
西去陽關驛路長  
馬拂春風經峽口  
雁衝寒雨過瞿塘  
驅馳莫道丹心苦  
白帝城高似故鄉

送李鈍齋先生之江西

獨向雲塘話別離  
晚風吹雨濕征衣  
水清江澗孤帆挂  
雲淨天高一雁飛  
遠地若無南澗藻  
故



鄉還有北山薇沙頭莫遣鷗盟冷收拾琴書早  
賦歸

樊甫

字永美號礪棟  
吉安府推官

妾薄命

妾貌嬌如花妾心堅似石石有碎時花早凋妾  
貌未衰心不易一自良人結褵後寂莫香閨空  
自守枕上翻思初嫁時禮備媒行非苟苟妾能  
織成玄與黃可以補衮供衣裳妾筐採來蘋與  
藻可以薦神享祖考阿婆不顧小姑嗔令妾進

退難容身雙鬟嬾結烏雲薄菱花半掩生芳塵  
東隣少婦永相保容顏未必傾城好妾貌比之  
頗不惡只恨生來多命薄

題水底猿捉月圖

漏板敲愁夜驚冷露井梧桐濕無影海風吹星  
消碧煙青天不見纖月懸嫦娥泣泣桂香死誰  
知兔魄沈水底巫猿激烈心欲飛便伸長手撈  
摸之夷神叱咤蛟龍怒翻倒滄海上天去

輓李司訓妻



青鸞西歸海天暝芙蓉十二畫屏冷剪刀無聲  
落冰綃月轉梧桐夜窗靜些死巫陽招不回紙  
錢斷裂成塵埃孤鸞弔影菱花慘機頭白石生  
蒼苔諸郎呱呱哀動地雪色麻衣濕紅淚明朝  
扶櫬過湘江未見九疑心已碎

題歲寒圖送賈大尹令弟

登我徂徠山瘦蛟怒立龍撐髯天風振籟落金  
粉石苔點破籟紋斑舟回暮泊湘江曲兩岫清  
風鳳毛綠鸚鵡啼歇水雲深錦瑟無聲睡初熟

明朝解纜過西湖冰魂折裂青珊瑚寒香浮動  
山月白扣門夜半呼林逋沈醉歸來情脉脉偶  
逢畫史詢行迹揮毫寫作歲寒圖旗亭遠送天  
涯客

宮女恩賜還家

清曉承恩出禁宮金蓮香惹御階風九重回首  
如天上萬里還家似夢中雲髻高簪櫛子石宮  
衣深染茜花紅內家粧束原來別不與尋常一  
樣同



香奩和王彥脩韻

寶鴨煙消一字香滿懷春恨強梳粧看花又怕  
東風惡偷隔紗窗看海棠

樊貴

字永芳號桂岡  
天順甲申進士

答吳景端南歸見寄之作

八月星槎下碧霄歸來休訝浙江潮巖林祠外  
蒼林靜獨帶清風伴寂寥

回首青山長薜蘿椿庭日永紫芝歌却嫌咫尺  
江郎路笑殺仙人已爛柯

樊瑩

字廷璧甲  
申進士

和李賓之韻

新年多邁逆抱疴守空廬竟日寡人事反迂長  
者車入門一相見戒我母枉趨枉趨將何以變  
故在須臾念此重憂患感歎復躊躇信知明哲  
者匪徒效虛無

寄張汝欽侍御

夙昔寡所予惟子獨吾契聞過輒相規見善復  
相示邇來作離羣延頸日翹企湘水只尺間渺



渺隔天際念子富英邁持法忘顧忌抗節激流  
俗高名愜時議顧予駑鈍姿列官屢年歲俛默  
守庸庸與言良獨愧古人重交游匪從在忘勢  
和時登叔祖灣河舟中作

陰風薄朝陽方舟住溪側舟中有歸人悵然起  
憂色長歌巷伯章聞者重悽惻信知青雲子永  
懷在君德

寒夜懷友和時登叔祖韻

林霏歛夕陰庭際集繁霜懷人不成寐起視天

蒼蒼蕭條履長夜悽慄增悲傷念彼離別久中  
情詎能忘徒見斗牛星相距南北方

樊鯤

字廷升

錢塘行二首

江舟泊危浪江岼草霏微寒風疾于箭颯颯穿  
我衣潮聲日夜作人去何時歸

長年事擊楫感激海雲生山川自流轉奔逐空  
浮名紛紛越南樹愁殺春鳩鳴

利國驛上漢高皇祠



漢皇祠外抱江村石徑苔深長綠痕灘水鴻溝  
俱不遠數聲啼鳥向黃昏

樊鐸

字伯廣  
號畏齋

詠蝶

每從花底見燕雀共翻飛乘露酣春色迎風舞  
絲衣枝頭常獨宿雨裏不曾稀籬落凋傷盡殘  
魂何處依

過諸暨口號

澤國風光趁馬歸青山一帶夕陽西野橋月出

漁舟寂春滿田園花滿堤

芟道驛遇姚子卿

柳路依依白日斜新巢語燕野人家舊時姚合  
題詩興次第風數落花

雨中行二首

四月濃陰風雨來揮鞭遙指碧山開征夫訝渡  
前村水傍柳穿花去復回  
野外高樓護紫煙落花飛處獨淹淹誰家雙燕  
不歸去日暮空依古樹邊



歷代詩選

明次集

七

石倉十二代詩選

明次集卷七十一

終

石倉十二代詩選

明次集卷七十二

章林藏稿

明後學曹學佺閱

周瑩

字次玉號鶴洲正統乙丑進士官至江西撫州府知府

菊坡爲單大尹宇賦

解印歸來日黃花尚故坡理荒除蔓草習靜偃  
垂蘿籬下寒香滿山南佳氣多此中真趣遠何  
必向巖阿

城南書屋

歷代詩選

明次集

卷七十二

一

祥



城南僻地是行廬門巷應多長者車簾外碧山  
開罨畫案頭紅軸積圖書梅花送暖飛鱗片芸  
草吹香落蠹魚莫道雲程能自達燈窗好為惜  
居諸

謁孝陵

鼎湖雲去六龍遙寢殿巍巍倚碧霄山鎖煙霞  
春寂寂林迴松柏雨瀟瀟千年帝業思 皇祖  
萬國輿圖仰聖朝幾度叨陪林下謁天風兩袖  
御香飄

歲暮和柯孟時

渺渺天南道路長白頭慈母在高堂十年薄宦  
遊京洛一片愁心望太行正是陰陽催短景可  
堪身世半殊方夜闌吟罷成惆悵夢繞鄉關月  
到牀

放歸言志

六年為郡大江西中歲歸途幸不迷世路風塵  
勞薄宦故園林竹愛幽栖但乘欵段尋春馬不  
起愴惶報曉雞已判功名身外物任他麟閣與



雲齊

二十居官四十歸急流身退世應稀  
投閒故里蘭紉佩戲綵高堂錦製衣  
林下新開延客館水邊長拂釣魚磯  
是非不啻人間事長弄扁舟看鶴飛

天心湖上梅花

木落千山雪氣偏一枝湖上破春妍  
不將別調傳羌管為愛寒香撲玉鞭  
暎月有情還冉冉倚風無語自娟娟  
商巖舊事應千載俯仰乾坤獨

惘然

夏日書懷

暑雨晴時草入簾綠槐垂影拂茅簷  
鳴蟬午夢驚初起睡鴨名香手自添  
鄉國故人千里別他山為客十年淹  
江州司馬歸何處幾度青衫淚欲霑

周瑛

瑛公諸弟字梁石號翠渠成化己丑進士四川右布政使致仕

送陳公甫歸南海

鬱鬱山下松四時不改色盈盈道傍花朝夕供



採摘花好聚人看春風亦易寒松高倚霄漢勁  
節不可攀願學山下松用以葆貞德毋學路傍  
花一採不復得

其二

芝蘭有幽性托居在空谷滿天風露寒隔林香  
氣撲我因愛芝蘭朝夕自往還采采欲盈把薰  
我衣與冠衣冠在敝篋芝蘭隔林樾但恐歲月  
賒餘香易銷歇

感興

美人顏如玉自許連城價曉織雙鴛鴦戲水香  
蒲下夫婿遊京洛聞結新姻婭中饋但有人賤  
妾不復嫁

其二

提瓶去汲水爲君解宿醒詎意綆中斷瓶墜不  
復升君恩手中綆妾身井底瓶相望不相卽此  
心誰能明

其三

長風吹白日年華逝如駛美人翠袖薄高閣閉



秋雨開園種芳樹歲晏自淒楚相望一水間終日不得語

城南別墅

幽人有遠韻卜築城南村青山羅庭除疎柳蔭柴門虛堂寂無人但聞鳥雀喧秋晴穫禾黍日夕牧雞豚農家無外營歲序在壺餐感此生理蕃其樂難具言我方走塵土未能問田園誰知隔城闔只尺有桃源

美人桃源篇

秦人法網密如織楚人逃生苦未得一朝拔邑赴南山咫尺便與塵寰隔山中風俗何恬然竹籬茆舍臨平田男婚女嫁相代謝歲月無紀誰知年昨日漁郎忽到此杯酒殷勤問鄉里漢龍晉馬相繼興始知世代非秦紀由來靜躁跡不同山人怕與俗人通送得漁郎出江口歸來相與滅其踪武陵太守好事者謂人可仙官可捨分付漁郎重問津溪山宛在睂睫下初來隔岍盡桃花驚看赤壁橫蒼霞千峰萬壑不可辨欲



從何處尋人家

夢中賦登金山寺

高閣連霄漢登臨客思開雁將秋色去潮帶夕陽回天地雙蓬鬢興亡一酒杯此懷不可極倚檻獨徘徊

姑孰道中

采石孤帆落青山一騎歸朔風吹短髮疎雨濕征衣野火漁歸市林鐘衲掩扉可憐江上雁入夜更南飛

橫山燕集

小甕藏天地大壺揮古今宦情秋夢短世事海波深北枕淵明卧南耕梁父吟官卑多抑畏慚愧昔賢心

與陳貳守酌別

下馬何村廟霜清木落時行人千里去故國一年期水色侵衣袖山光落酒卮離懷難盡遣惆悵為題詩

有所思



目斷天涯路春深有所思亭臺花落後簾幕燕  
歸時洛浦煙初暝巫山雲正遲夫君縱忘妾妾  
意比芳絲

重到府第有感

府第最高明重來感歎并臨川雙郡守閩海兩  
書生風雨情何限池塘夢不成坐觀循史傳安  
敢墮家聲

送陳方伯薺致政歸漳浦

角巾斜折舊烏紗南望鄉園趣轉賒白髮無人

堪結社青山有地可為家石湖晚釣收殘雨野  
徑春行礙落花不識廟堂諸故老幾人清夢到  
煙霞

謁文丞相廟

海上干戈百戰中孤舟夜夜泣英雄八千里外  
胡塵合三百年來宋曆終厓嶺被俘真倉卒燕  
山就義太從容西風吹雨過柴市獨向祠前撫  
翠松

九仙觀訪朱未軒讀丁太守所寄詩次韻



歷代詩選  
明唐氏痛柏

十年勞憶禁鐘聲坐對南山野趣生有道也知  
當世重無官應覺此身輕石臺晚嘯雲歸樹仙  
觀秋吟月過城文物傳中勞去取幾人椽筆有  
佳名

題畫

開軒望長野迢迢芳草綠持竿彼何人冒雨驅  
黃犢

雲影蒼樹涼雨候黃梅過明月入西軒照見幽  
人卧

秋水池塘深落葉亭臺晚柴門閉西日山人猶  
未返

風高海水立雪厚山岡折小院無人來梅花自  
娟潔

風哭羅一峰

百年夢不起千古懷獨醒西湖煙雨外零落一  
峰青

挽吳下王處士

車馬閭門路生前多故知青山映疎雨有客為



書碑

題梅月圖

孤山處士舊時家門巷深深一徑斜惆悵詩魂  
呼不醒只留明月照梅花

周輦

瑩公姪字晉伯號榆川由貢士授廣東廣州府儒學訓導

蘇長公寓惠日愛誦陶靖節歸來辭遂集  
辭中字成十詩予亦效輦遣興云

征途欣息駕物候及春榮丘壑時相問交親我  
獨迎天清孤岫出逕窈遠風輕何事倚窗嘯飄

飄非世情

農事行將及春辰樂可尋懷人常矯首寓目亦  
經心榮木來丘鳥流泉向膝琴倚風詩欲就扶  
策任登臨

物役幾時息孤懷尊酒前書將消日景賦欲逗  
雲泉荒翳俄成徑扶搖遠問天微言童亦覺行  
與事春田

鄉園日無事之子或予留雲木三春翳風泉萬  
壑流乘時歡物與遺世得天遊有鳥今何羨光



榮非可求

人生亦寄寓何以日追奔飛駕登榮路遊心翳  
覺門感子倦行役命室留清樽孤酌觀無始委  
懷形乃存

天宇懷何窮雲門無是非三車尋往路幾日就  
春衣入晤清言盡歸來遠景微流觀心自得萬  
木鳥孤飛

題畫

馬外風塵晚鷗邊雪浪寒碧琳何處客坐破幾

蒲團

周軫

瑩公姪字公載號耻齋成化壬辰  
會試第三名官至江西按察使

在故城與鄭元耀會別

湖海雙孤客詩書一故知蹉跎相會處契闊舊  
遊時話久西窗燭情深北海卮明朝分袂去江  
樹又離離

閒居

自入封章出帝庭詩情逸興一茅亭茂陵封禪  
無遺槁草澤行吟有獨醒十載病軀憐短策半



生勛業撫青萍隣翁和得詩來往送過隣翁戶  
已肩

和竹溪見贈歸來亭

小亭岑寂四窗開坐看春風長綠苔爲愛多情  
雙燕子暫時飛去又飛來

訪林和靖舊隱

霜風摧落已多年誰道花開在歲先寂莫小孤  
山下路更無人到草堂前

詠梅

冰魂雪骨楚天涯幾度春風幾度花自是無人  
肯深覓寂寥將度一年華

紅梅

中使傳宣出建章君王錫宴在昭陽玉顏宴罷  
扶歸去又是春嬌一樣粧

周侔

華公子字元恭號瓊崖廣東樂昌縣儒學訓導贈監察御史

今是亭爲林別駕賦

長嘯辭朱紱行歌入舊山浮蹤今日是塵世幾  
人閒獨鳥高雲外歸泉亂石間若將人意擬無



往亦無還

尋花穿澗早聽鳥出林遲幽事誰先領孤懷只  
自知江山無恙處風月對閒時猶是樊籠客相  
從笑後期

卽景

遠風將青入林藪長溪可作魚鱗皴笑喚隣舟  
作伴行中流鶯鶯鳴雙肘觸起桃花錦浪生長  
留短罩隨吾手大魚盈車不可移小魚累垂貫  
之柳青帘白屋是誰家艤舟試覓家中叟我有

魚兮君有酒相逢何必是相知傾懷且儘儂家  
有君不見紅樓歌舞美少年昨日朱顏今白首  
又不見玉關有客覓封侯霜蹄夜蹴層冰走我  
曹本是耕桑民容易盤飧度辰酉迺今不飲更  
躊躇只恐青山要衰朽我放歌君擊缶大呼鄭  
老作吾師更挾劉伶爲我友直須共醉春風前  
不啻犧牛與芻狗

周宣

依公伯子字彥通號秋齋弘  
治乙丑進士廣東左布政使

鐵嶺次張王政韻



少年喜遠遊萬里信長步未論筋力疲况復念  
遲暮鐵嶺何年關噴吼劍峰聚白日嗥信狻腥  
風帶霏霧仰瞻雲天垂俯視髻峰露咋指已魂  
銷疇能更還顧便當卸行旌揮手謝岐路

遊僊鶴洞次李春山韻

古洞凌層峰上與顛氣遊襜帷偶共往噪吻生  
清秋洞前雙白鶴昔繞僊人丘僊人跨雲去笛  
聲隨雲流拍手招鶴背僊人亦回頭憶昨過湘  
中江寒月滿洲掠舟從東來顧我還由由感此  
念羈旅餘懷付江漚

居庸關和韻

歐冶何年鑄真鐵神光夜指奔厓裂曉關西去  
隴風寒獵獵胡沙帶飛雪丈夫生來還遠道未  
分霜鉞匣中老酒酣斲地作長歌鯨鯢起立滄  
溟小

其二

秋信誰將入簷鐵樹底青桐聲欲裂渴吻猶須  
玉井水輕寒已釀陰山雪漠漠黃雲連遠道客



易朱顏變衰老夜來起步向迴廊一點窺人山  
月小

謁介之推祠

晉鄙澤中人獻土公子歸來繼先緒衆蛇蜿蜿  
入龍宮不道同時有刳股宮門之書爲者誰遂  
使君王憶初侶皇皇芟幣遠相尋莽莽春林竟  
誰與富貴相忘亦世情何事捐生便如許由來  
獨行人所奇千載綿山有祠宇登臨正屬禁煙  
前獵獵林風送悲雨

俠客行

紅塵漲天白日暗奔輪擊地雷聲泛雕弧寶騎  
金盤陀虎頤龍領親曾探昨宵燕市擲千金今  
宵長譟歸綠林酒闌笑蹴仇家血不信人間有  
哭音

過高郵湖

宿雨添新漲扁舟弄晚晴雲山鄉國夢杯酒故  
人情日向波間沒天從鏡上橫倚蓬無語處征  
雁兩三聲



宿建寧城下

夜泊清溪下溪風入坐清尺書猶未達孤枕若  
爲情漁火遙過影寒流暗有聲更憐中夜雨蕭  
瑟傍山城

瓊林宴歸

湛露開周宴歌風陋漢宮伶簫諸紫鳳仙仗引  
青驄酒泛金壺冽花分御苑紅衡茅新得路感  
激自丹衷

金門待漏

白玉雙龍闕黃金五鳳城雲霞凝曙色鐘鼓靜  
嚴更帝德乾元大皇圖瀚海清遭逢吾自慶何  
敢負平生

沅州道中述懷

曉發沅州路行行過赤涯歸心流水急官舍白  
雲賒初日遲寒影清霜濺素華丈夫懷遠志驅  
馬漫興嗟

夜宿德山港

繫艇依林樾携壺扣竹門年華行欲暮民瘼不



歷代詩選 明周氏藏本 五  
堪論月影雙蛾小灘聲萬馬奔寒缸隨夜坐無  
語自銷魂

病後復到德山

扶杖東郊路尋幽不惜勞林寒孤寺出霜蕭碧  
天高病改春風髮寒添舊日袍更看沙上雁哀  
喚正嗷嗷

和黃伯固韻識別

候吏分眠去殘更欲盡時寒暄猶未旣南北况  
多岐月落山坳暝雲橫渡口遲衝泥瞻馬首依

舊是相思

發臨蒸驛

向晚發臨蒸囊輕酷似僧歸心江北去行色月  
東升野店初明火溪頭欲放罾悠然成獨酌坐  
看合江亭

送徐尉之分水縣

繡嶺西頭路君今是勝遊碧溪分燕尾舊事說  
羊裘梨棗霜中熟桑麻雨後稠懸知官舍底簾  
幕下清秋



送陳汝齊赴嶺南斷事

都城寒雪霽花鳥破春妍人向天南去官分闕  
外權清霜柳葉瘦紅日荔枝焚風物猶鄉國知  
君吏隱便

送蔡徽玉之清遠

碧江湖正滿村市酒新筍共博行邊醉都忘客  
裏愁文光連象緯官舍近羅浮他日梅花發猶  
堪寄隴頭

晚宜樓

劉君湖海客高隱楚江澹虛枕聞清籟開心湛  
碧漪山從秋後瘦樓向晚來宜憶昔南遊日空  
吟馬上詩

送廖應脩

十載同心友他鄉共卜居壯圖猶落莫造物定  
何如故里三間屋歸裝一束書東山清在望分  
手莫躊躇

擣衣

擣練聲聲急蟾光故故圓片魂空外返雙淚暗



中懸野日明朱旆飛霜折玉鞭功成報天子看  
爾畫凌煙

又

秋信桐陰裏寒聲雁影邊爲憐千里客聊理舊  
青綿青海猶傳箭狼山未息煙深閨今夜月何  
敢惜嬋娟

醉歸圖

金屋承歡罷沈香月色新笙歌隨步輦羅襪擁  
輕塵羯鼓催花惡羊車望竹頻誰憐青閨裏還

有獨醒人

過常思嶺

夜過常思嶺雲昏雨作屯聽泉知度澗覓火亂  
投村不辯星河影橫穿虎豹羣壯程方萬里何  
敢歎王孫

晚到房山

細雨山村暮羸驂獨去時牛羊下高隴烏鵲鬧  
寒枝野色黃雲逗邊聲夜角悲猶傳東徼外戎  
馬日奔馳



大田驛和鄭少谷韻

秋原聊引望幾許動遐思  
霜白羣芳老風高獨  
鳥遲倉皇千里道留滯十年期  
廊廟夔龍在昇平是此時

答張大行維喬

激烈南巡疏低回白下城  
壯心回日馭素節舞  
風旌世路從夷險天王自聖明朝來長樂外重  
聽曙鐘聲

題狄武襄廟

何代乘箕去孤城尚故祠  
風雲餘壯氣貔虎識  
雄師古鐵生時面奔雲祭後旗  
莓苔春雨暗休  
蝕座前碑

春日同李嵩山遊東關寺次韻

微官餘二載斯地幾清遊  
旌仗人人識郊原事  
事幽河聲寒帶雨山色翠當樓  
日暮遲歸去移  
樽到上頭

其二

何年卓錫地祇樹已成林  
月出東溟外雲生古



洞陰翻經風葉亂洗鉢石池深正愜幽栖意無妨一再臨

東關寺聽張使君鼓琴

愛子琴聲好開囊日未西暗泉懸夕溜嬌鳥媚春啼細竹依階淨香雲壓戶低禪心方入定月色印前谿

東牧為黃巖孫隱君賦

野性同魚鳥郊居薄市廛閒情牛背笛酣飲杖頭錢吉貝披疎尾黃雲布遠川年來生計好月

下枕簑眠

興過陳康懿公墓

四聖垂衣日明公萬里城貞元還泰運星斗避高名江漢歸龍夜風林戰葉聲獨來詢往事悽愴盡平生

黃岡驛阻雨

阻雨黃岡驛行旌去復留踈燈聊永夜衰髮不關秋樓角寒仍斷簷聲曉未休浮踪何必問明日是潮州



即事

朝日明雲壑餘寒散野犁泥融科斗動桑暗鶉  
鳩啼菜甲霜前健禾苗雨後齊鷓鴣毛羽細何  
敢厭卑棲

桃源溪行

碧江春水夜來深兩岍青山盡綠陰飛鳥傍人  
如問訊小魚吹雨自浮沈幽觀似識東風面高  
興應同太古心獨有春原回首處幾家燈火悵  
空林

送雲峰道士南歸

塵海茫茫漫自流百年身世只虛舟紫綃榮拜  
彤樓曉瑤笛吹殘碧樹秋月下蘂珠惟鶴聽雲  
邊丹竈有龍遊涪翁千古風流在何日誅茅借

送林汝鳳

樹頭初日弄微晴江上離歌自渭城萬里家山  
遊子夢十年燈火故人情月明遠塞鴻初斷風  
靜長淮浪正平遙想征途詩興好錦囊歸去爲



誰傾郵車五平蓋  
 送張大理出守人  
 錦雲城郭古昆州  
 此日憐君作勝遊  
 石棧連空青嶂晚  
 浪花飛雪碧滇秋  
 時平獠洞輸庄貝  
 月白峰頭起夜謳  
 遙想公庭清太甚  
 夢回晴日上簾鈎

鎮江答林廷元太守韻

幾年塵土隔滄洲  
 倏爾相逢是暮秋  
 人似燕鴻還北去  
 情如淮水向東流  
 雲邊遠道連青草  
 風

際寒波起白鷗  
 清曉金焦望  
 文物有人延首待  
 方舟

浮圖谷和韻

城頭旗影亂春雲  
 帳下軍聲起夕曛  
 重鎮已堪當一面  
 胡兒安敢犯三軍  
 山橫古道龍標立  
 水入回溪燕尾分  
 使節重來無箇事  
 北窗高枕待南薰

儀城公館次韻

山入遼城地益高  
 參差巖岫湧雲濤  
 喜看白日



塵埃少暫息青衫汗馬勞留滯祗今同太史相  
從誰與步臨臯不知舊日玄都觀開徧春風幾  
樹桃

入回題白雲寺  
十日春山兩度遊坐臨平野着吟眸城煙近帶  
千山雨島樹寒生六月秋塵夢豈知滄海變野  
心純被白雲留便須跨取天風去飛上孤峰最  
上頭

題林翠庭先生青臯書屋

宦囊貧甚笑無餘下澤歸來喜有車行處獨便  
沙路穩坐時長伴野雲舒蒹葭寒映江千雨芸  
草香浮架上書猶有濠梁真意在自臨深水看  
鯁魚

重遊香山寺

薜蘿深處見僧家  
莫落莫開自歲華  
怪石臺高  
蝸篆古老松枝偃  
玉虬斜三還丹熟  
龍窺竈十  
笏房清天雨花  
笑我疎狂饒野况  
山門幾度試  
春茶



金焦覽勝卷為周文儀同寅賦

萬里波濤接遠天雙鼇浮背玉相連  
 梵王樓閣空清裏水國鶯花杳藹邊  
 歲月無情從逝水江山有恨但寒煙  
 登臨莫問當年事一曲商歌已惘然  
 重遊香山寺  
 魚覓寒衣

病骨先秋冷空簷坐夕暉  
 做裘不堪着撚線學縫衣  
 促黃伯固  
 斜下野橋木青  
 車行  
 或  
 謝

庭葉作秋聲閒雲閣秋雨佳客來不來夕陽在

高樹

小景

古牆芳蘚重深巷綠楊斜叩門何處客履齒印  
 苔花

自君之出矣

夜夜聽寒更寒更二十點都是斷  
 腸聲

腸聲

香山寺和見素先生韻



天長從逝鳥雲暝欲歸龍目送曾遊處青霞第  
幾峰

岳陽樓

月出羣山蒼雨後千江漲喚起素髯翁吹笛君  
山上

古辭

飛絮漫空春色深海棠庭院自清陰無端一夜  
芭蕉雨滴碎愁人枕上心

秋齋雜興

竹裏新開一逕斜石牀書卷舊生涯客來共坐  
虛簷底自汲清泉煮露芽  
暝竹蕭蕭似壓廬柴門三日斷行車風簾不動  
爐煙裊讀盡南華一卷書

足將樂縣夢中句

遠道連空信馬歸筋骸無改壯心違春江不用  
愁難度一片輕帆帶雨飛

長子縣校士聞鶯

古柏高槐散午陰榻來清嘒畫簷深上林舊有



如雲樹待子歸時贈好音

石倉十二代詩選

同篇

明次集卷七十二 終

...

...

...

...

...

...

石倉十二代詩選

明次集卷七十三

長林存稿

後學曹學佺閱

林爚

字汝大 閩縣人 正統丁卯 科舉人 有海天長嘯集

古平述懷

星暗月華明 心閒景自清 迎風刊翠竹 昂雨理

黃精澗淺觀魚躍 林深聽鳥鳴 此中誠可樂 何

必日經營

同世恭姪尋梅



幾度尋梅未見花空餘疎影獨橫斜  
溪橋曲折支危石村徑崎嶇擁斷槎  
詩就每刊隣舍竹茶香頻叩野人家  
狝狖不覺歸來晚殘雪飄飄點鬢華

瓊島春雲

蓬萊金碧映輝煌五色祥雲藹上方  
縹緲淡籠瓊苑樹氤氳遙濕御爐香  
光涵玉宇凝仙仗影拂春花逸建章  
自是昇平多瑞感好將圖畫獻君王

蘆溝曉月

蘆溝月色藹蒼蒼萬戶千門曙景涼  
雲氣半侵茅店火馬蹄全踏板橋霜  
金鷄唱罷鳴天籟玉漏聲沈徹上方  
待得九重煙霧淨鳳城春色散朝陽

金臺夕照

黃金銷盡獨空臺雲木蒼蒼紫翠堆  
鴉噪夕陽歸畫堞碑連暮靄翳蒼苔  
平河水落蘆溝遠古峽人從鳥道回  
聖代祗今多稷契紛紛誰數樂



生才孤島意同望升平今冬野哭餘餘  
 雙旌五馬返青門優老重承雨露恩滿架圖書  
 看尚在遶籬松菊喜猶存興來獨掃詩千首客  
 至相忘酒一樽地迥尚嫌車馬簇誅茅還擬水  
 南村  
 君乘五馬古諸侯何事頻懷卧此丘門外懶排  
 雙畫戟林間喜挂一羊裘琴書已足娛身計夢  
 寐猶懸報國憂自古留侯稱達士功成還逐赤

松遊

紫臺嵐氣

紫臺一抹鎖晴嵐景象依微畫不堪霞幕懶收  
 山似黛林衣倒影水拖藍黃童驅犢登青坂白  
 鷺窺魚隱碧潭感昔傷今多少恨西風吹淚濕  
 青衫

螺渚煙消

青螺一抹俯江濬潮落煙消若畫眉寒岼柳濃  
 藏翡翠晴沙水暖浴鳧鷖牧童扣角驅黃犢漁



子鳴榔擢綠漪凡骨未能同謝眺空懷雲水遇  
神姬

滄江漁唱

扁舟汎汎是生涯雲水悠悠度歲華長笛數聲  
歸海島清歌一曲入蘆花鳴榔草際沙鷗起醉  
卧蓬窗山月斜榮辱不關常自足熊羆無夢叶  
皇家

題汝哲兄園亭

君承優詔許歸田小構幽居水石邊綠野遠涵

千頃稻紅衣開徧一渠蓮沙邊白鳥迎江練樹  
底黃鸝雜管絃羣從相看頭似雪杯醪豈厭重  
留連

林壑字世調成化壬辰進士歷官廣西左布  
政使別號雙松晚年與陳孝廉桐山陳僉  
憲留餘弟塗為泛江之遊有秋江夜泛集  
及蘧蘧集三江漁隱集  
秋江夜泛詩并序  
義谿陳君文厚子鄉同年進士也不樂仕進



隱于桐山殆二十年號桐山先生弘治乙丑  
春乃弟僉憲留餘先生冢子達暨乃姪墀同  
登進士第余邀葉宜休先生往賀因得會文  
厚于濯纓亭次日復移舟從余江潯潮至而  
別未能盡歡文厚乃期爲秋江夜泛月一會  
會有詩以文酒交歡誼至厚也云何余弟世  
增歸自南宮聞而心醉遂堅前約以是秋八  
月十有三日同世增泛舟會于匏峰渡之坂  
十日是日桐山宜休留餘三先生咸在方舟促

坐陳蔬菓列樽罍隨潮上下月白江清山光  
凝翠景殊可人今日之遊人景俱勝不可寂  
然已也遂以唐人詩移舟泊煙渚日暮客愁  
新野曠天低樹江清月近人二十字爲韻觥  
籌交錯唱和獻酬卽事寄興人各一詠遂爲  
聯句率成十韻嗚呼謝尚之牛渚東坡之赤  
壁亦一時之偶會耳名播千古後世後談豈  
不以人哉今日秋江之遊雖未能追蹤往昔  
然而七里之山川寧減牛渚赤壁而文厚諸



君之逸興其視謝尚東坡何讓耶予不能必  
 其後之傳而亦不能必其不傳也鑿乃三江  
 釣淪幸預茲會敬攄蕪雜叙厥所繇所賦諸  
 詩廁之于左

五言古四首

山高月在松欄小花臨水本以林下人謾結方  
 外士得意傾雲液何心斲石髓世俗徒紛紜吾  
 意也如此  
 義谿下匏口東與淘江合勝會結詩盟方舟復

連榻笑領風月閒坐談古今雜漁父亦何心鳴  
 榔遠相答

秋月色澄淨秋江清復深聚散不可常浮雲自  
 古今蓮社已寂莫香山亦荒沈願言託松竹共  
 結歲寒心

泛泛木蘭舟迢迢渡江渚樽罍會有期歲月疾  
 如駛落日楓林低登盤鱸膾美長嘯豁塵襟銀  
 河耿秋水

臘月八日病中有感

并引



舊制臘月八日于午門賜百官麵食謂之臘  
八麵當此病中感慨亦少志其芹曝之私

臘月八日歲相將獨卧西窗夜正長賓鴻故故  
來帝鄉却憶當年朝未央朔風吹面靴滿霜手  
持象簡凍欲僵入門鞠躬氣屏藏口含雞舌聞  
天香自天休命親對揚但願聖德如陶唐百  
官奏對勞奔忙午門錫宴羅鴛行咸歌既醉沐  
寵光于今寂莫水雲鄉隨鷗狎鷺機心忘晚來  
一子虫如狼嬌癡但索梨栗嘗箕裘世業將徬

復老懷對此增慨慷起坐南楹負朝陽區區芹  
曝何能忘

世騰從兄以鄉進士沒二十年今冬始得

歸葬詩以挽之

吾兄豪氣邁謫仙雲路談笑先祖鞭神龍豈肯  
卧九淵大鵬直欲乘風騫堂上嚴親雪滿顛養  
志不異曾參賢荆山抱璞志益堅豐城寶氣光  
燭天淘江江上呼酒船春花爛熳秋月娟流光  
轉眼時序遷泰山頽兮心凄然猿鶴哀兮淚涕



漣呀嗟歲月今幾年玄堂幽默如罄懸文光夜  
夜照重泉

七言古二首

菊花新釀香浮甕明月共迎還共送白髮滄洲  
有定期青霄絳闕渾如夢謫仙跡遁煙霞深柱  
史氣凌山岳重醉眼摩挲北斗傍龍淵合處光  
芒動  
海浪驚風灑瓊玉佑客帆檣何處宿幾家煙人  
暝漁村一帶雲林掩僧屋壺觴不盡客情歡歲

月蹉跎羊脾熟仙骨如君獨柰寒梅花瘦影依  
脩竹

五言律一首

雨過千山淨禪林賞菊天方巖危欲墮錦水遠  
相連客喜如蘇晉僧疑是浪仙詩成畱偈處竹  
塢起茶煙

送周少宰奉使冊封秦藩便道祭掃

天語親承下紫宸星輶千里向西秦金符映日  
存周制玉節凌雲動漢臣遠道使承黃誥重故



山人望錦袍新遙知展拜泉臺下土壤光生草  
樹春

潯陽驛

潯陽江上日初斜蕭瑟西風亂荻花青草幾時  
休作客白雲無地不思家蒹葭浙瀝收殘雨島  
樹微茫映晚霞隱隱菱歌愁思起月明猶似聽  
琵琶

白照山看窰廠途中口號

茅屋雞聲報曉遲巾車乘壑本無期棠梨幾樹

繁花滿柳千條嫩葉垂箕踞野人看鹿豕倦

飛林雀避旌旗青山對面如相識笑我蕭蕭兩

鬢絲

往常德調兵梁山遇雨

梁山雲物幾時收野水無情日夜流獨木銅槽  
初泛泛沿溪棧道曲悠悠犀紋甲冷兵初合籬  
落霜寒菊正秋惆悵故園頻極目蠻煙瘴霧總  
關愁

送葉世潤歸閩



南下汀洲逸與饒兼葭楊柳晚蕭蕭九江驛路  
 秋風起三楚雲山夜夢遙行李半挑黎嶺月歸  
 帆一片海門潮故園冬竹應多笋入饌江魚好  
 自調  
 登泰嶽太和山  
 紫霄臺觀隔塵寰坐愛蒲團一榻閒石澗雨餘  
 龍出躍松林煙暝鶴飛還洞中有火燒丹竈雲  
 裏何人響珮環七十二峰觀不盡那知仙境在  
 人間

奉和馬廷璽愈憲

叨陪憲節上丹臺頓覺昏昏倦眼開雲竇暗迴  
 山欲斷石橋橫架水還來三天門下青藜杖五  
 老峰前玄露杯笑領仙童歌一曲不知身世在  
 蓬萊

夜宿舟中呈王工部

明時不用歎歌牛祗恨東風易白頭賓館久懸  
 徐穉榻客帆今共李膺舟紙屏石枕三山夢明  
 月蘆花兩岼秋江北何人吹玉笛渚雲飛盡水



悠悠

陳錦衣七夕娶婦

金風薦爽夜迢迢  
靈鵲新成渡漢橋  
見說仙姬來萼綠  
更聞佳客賦桃夭  
錦筵羅綺搖銀燭  
洞府雲璈間玉簫  
不用乘槎觀勝事  
人間天上總非遙

病起書懷

窗前草色綠籃輿  
病起凭欄思不堪  
戀闕烏鴉還向北  
隨陽鳴雁盡歸南  
機中錦字憑誰織  
馬

上家書懶自緘  
幾為鄉思轉成賦  
回看庾信獨多慚

詠竹夫人

湘水為神玉作肌  
文園病客鎮相隨  
涼生蕙帳憑君力  
夢入巫山獨爾知  
固寵可能迷漢主  
專房應不如西施  
虛心恩愛何時斷  
祗恐秋風怨別離

七夕

素榆飛影醮銀河  
帝女含愁罷玉梭  
塵世幾人



歷代詩選 明長本不存  
新得巧仙槎有客舊傳訛  
梧將秋信風前落鵲  
報佳期月下過  
悵望牽牛情默默  
彩橋何處駕  
瓊波

獨宿西軒酒未醒  
雞聲愁向枕前聽  
未拋俗事  
謀身拙欲伴山僧  
養性靈  
夜靜每懷滄海月  
天高遙望太微星  
少年志氣空豪放  
老去江邊一

草亭

王客答陳文厚

露下天高星漢秋  
長江十里稱開遊  
雁聲縹緲  
煙連樹月色浮  
沈水滿洲  
笑折黃花聊插帽  
酣歌白苧久停舟  
知君不負滄洲約  
何日重盟海上鷗

不寐

藤牀布被冷如冰  
簫鼓通宵睡不能  
往事蕭條  
慙薄宦老年辛苦  
愧高僧  
窗虛月色雙蓬髮  
夜半雞聲一瓦燈  
扶杖起來天欲曙  
東方隱隱日初升



正志亭口號

三徑初成喜動顏  
葛巾藜杖往來閒  
池通小浦春潮滿  
竹長疎籬箕箒斑  
花町風恬蜂亂入  
松林煙暝鶴雙還  
扁舟更有滄浪興  
欸乃漁歌落照間

五言絕句三首

天高風露寒  
寧怯衣衫薄  
何處歌滄浪  
漁舟沙際泊

山擁一輪月  
江涵萬里天  
新詩潛水怪  
折葦澹

寒煙

潮來西送君  
潮退復東下  
相對坐忘言  
天高月在野

林壑字世南  
墜之弟成化  
戊戌進士歷  
官叅

議別號葵軒  
卒于襄陽官  
舍槁多遺失

都下寄諸兄弟

客懷牢落不勝秋  
眼底風光任去留  
夜雨每驚春草夢  
寒雲偏惹夕陽愁  
馬嘶塞北頻看雁  
門掩西風怕倚樓  
追逐風塵空擾擾  
何如煙水一



孤舟  
送羅大人致政  
遂却初衣卸錦衣  
俸資充買子陵磯  
梧岡鳳去  
青天濶  
狼鬣星明北斗輝  
陶澤菊松三徑在  
米家書畫一船歸  
鷓鴣潭水腥風起  
愁殺江頭白鷺飛

和韻

每歎浮名繫此身  
清風高節是何人  
庭前種杏飄紅玉  
竹裏行厨膾錦鱗  
春水魚遊波泛泛  
糟

牀酒滴醅醅醅  
一閒之外無餘事  
不愧當年古逸民

林址字世定壘季弟別號文山隱居不仕

題海山一嘯樓

獨上高樓一望通  
海山遙見日初紅  
千林樹木蒼茫裏  
萬壑煙霞縹緲中  
龍浦雨餘魚變化  
藍田日暖玉玲瓏  
荆花正值連枝秀  
兄弟怡怡笑語同

宿酒



歷代詩選  
酒帶春醒猶未解小槽仍報酒如泉人同北海  
開樽飲我自西窗擁被眠白髮蕭條愁曉鏡紅  
顏消瘦怯春妍遙看昆玉聯成韻盡是珠璣玉  
露篇

林盜字世增成化丙午鄉進士以子鈇貴封  
浙江道監察御史別號青霞更號翠庭有

青霞集

桃花歌

東風昨夜來水涯南園物色爭春華桃花亂點

凡幾樹燦如紅錦耀晴葩林間霧散含香露池  
邊日落蒸明霞游蜂戲蝶不自惜轉覺春意空  
中譁既非玄都道士觀又豈天台仙子家由來  
崑崙山下植不吐秦時避世花漁舟隔浦滄浪  
遠野外迢迢一徑斜呼童策杖乘春入一壺家  
醞寧須賒大拚酩酊花前醉放情歌詠窮幽遐  
莫遣桃花浪相笑等閒吹落空咨嗟

感懷

江村寂莫早梅香時序驚心對夕陽短翮未飛



雲路上閒情已結鶴巢傍天邊雲散月當戶花  
下人來酒滿觴與世寡諧真自笑半生蹤跡任  
疎狂

飲枕峰寺席上謾成

五虎崑高落日紅巍巍雄峙梵王宮欲知白社  
何人共且喜清樽此日同丹桂花香晴捧露青  
松枝老畫嘲風浮生閒日能多少却喜淵明醉  
遠公

石倉十二代詩選

明次集卷七十三 終



聖